

MONITARING BLONG OL VOLKENO LONG VANUATU

WAE NAO VANUATU IKAT PLANTE VOLKENO?

Vanuatu hemi stap long wan eria we tu bigfala graon andanit tufala is tap muv iko kolosap long tufala. Ol muvmen oli mekem fulap aktiviti olsem ol volkeno i fom, ikat hedkwek mo tu ol sunami.

Vanuatu i kat 16 volkeno long ol difren aelan blong hem. Plante long ol vilij blong yumi oli stap kolosap long ol volkeno so hemi impoten tumas blong mask at save abaot ol volkeno wetem ol denja we oli save kosem. Save ia bae hemi help bigwan blong sevem laef blong man.



WANEM NAO BAE MI MEKEM SAPOS MI TING SE AKTIVITI BLONG WAN VOLKENO ISTAP KAM ANTAP?

Lukluk gud mo tekem note long eni saen o nois, sapos graon iseksek o no, wetem taem we yu bin luk, harem o filim ol saen ia. Ripotem kwik taem long ol lokol otoriti kolosap long yu. Bae olgeta tu oli save confemem ol saen ia mo kontaktem Geo-hazard Division long 24686 o 22932.



HAO NAO YUMI STAP MONITAREM AKTIVITI BLONG OL VOLKENO LONG VANUATU?

Geo-hazards Divisen long Dipatmen blong Meteo mo Geo-hazard nao oli responsible blong stap monitarem ol volkeno blong Vanuatu. Long sam long ol volkeno blong Vanuatu, ikat ol stasen we ikat ol masin istap long hem blong rikodem ol muvmen blong graon taem ikat wan hedkwek. Ol stesen ia oli sendem ol signal ia oli kam long men haos long Vila blong oli save lukluk gud mo long hem mo afta bae oli save sendem aot infomesen ia iko aot long pablik blong talem sapos aktiviti blong volkeno hemi kam antap o nogat.



Hemi impoten tumas blong yumi olsem ol memba blong komuniti i andastanem impotens blong ol stesen ia. Ol masin we oli stap insaed long hem oli sas mo oli mekem bigfala wok blong help blong sevem laef blong ol man. Yumi mas lukaot gud long ol stesen mo ol masin blong yumi ia sapos yumi stap kolosap long hem. Yumi kat responsibiliti ia blong helpem ol locol otoriti blong givim out stret infomesen we yumi karem long ol masin ia, blong givim woning long ol man blong sevem laef blong ol man.



Blong gat moa infomesen, plis kontaktem Divisen blong Geohazards insaed long Meteorologi mo Geohazards Dipatment long geohazards@meteo.gov.vu mo 24686 o luk websaet www.vmgd.gov.vu

WANEM NAO VOLKENO WONING SISTEM WE VANUATU I USUM?

Vanuatu i usum wan system we oli kolek Vanuatu Volkeno Alet Level we hemi stat long level 0 iko kasem level 5. Wanwan long ol level ia hemi stap representem ol difren kain hazad or denja we ol man long eria ia oli save fesem taem aktiviti blong volkeno ikam antap. Mekem sua se yu save wanem blong mekem long ol difren level ia.


Vanuatu Volcanic Alert Level System

Title	Level of Alert	Description Area, Distance
Very Large Eruption	5	Danger beyond caldera, on entire and surrounding islands and also chance of flank eruption
Moderate Eruption	4	Danger on volcanic cone, caldera and all island, possibility of very large eruption and also chance of flank eruption
Minor Eruption	3	Danger on volcanic cone, within caldera and other specific area, possibility of moderate eruption and also chance of flank eruption
Major Unrest	2	Danger around the crater rim and specific area, notable/large unrest, considerable possibility of eruption and also chance of flank eruption
Signs of Volcanic Unrest	1	Notable signs unrest Possible danger near eruptive vents
Normal	0	No signs of change in the activity Limited danger

An eruption may occur at any level and levels may not move in sequence as activity can change rapidly



This system applies to all Vanuatu's volcanoes. The Volcanic Alert Level is set by the National Geohazards Observatory within the Vanuatu Meteorology and Geohazards Department based on the level of volcanic activity. For more information, see www.geohazards.gov.vu or email at www.geohazards.gov.vu or call at 24686 for alert levels and current volcanic activity. Version 2.0, 2014.



KONKON REN MO KAS BLONG VOLKENO

Hao nao bae mi save talem sapos hemi konkon ren o no?

Bae yu save sapos hemi konkon ren sapos hemi mekem ae mo tang blong yu i konkon.

Wanem blong mekem **BIFO** konkon ren i foldaon:

- Mekem sua se yu kat inaf saplae blong: - wota mo kakae, faeawud, meresin, radio mo spea batri.
- Mekem sua se yu kat proteksen blong ae.

Wanem blong mekem **LONG TAEM WE** konkon ren istap foldaon:

- Yu no mas panik
- Stap insaed long haos
- Sapos yu stap aotsaed, yu fainem wan sef ples blong haed long hem (trak or haos)
- Kavaremap wota tank mo karem aot pipe we i tekem wota long ruf ko long tank.
- Protektem ae blong yu.
- Kipim ol pikinini istap insaed long haos oltaem mo oli no pleple long ren.
- Sapos yu stap long wok mo yu harem waning yu ko kwik taem long haos..



Wanem blong mekem **AFTA** konkon ren i foldaon:

- Letem ol otoriti oli testem wota fastaem bifo yu dring.
- Protektem ae blong yu oltaem mo tekem selta taem ren i foldaon.



- Yu save kakae ol frut mo ol kakae long karen be yu mas wasem gud fastaem bifo yu kakae.

Wanem blong mekem sapos yu stap long wan eria we i fesem plante rabis kas blong volkeno:

- Yu mas kat wan gas mask or wan kaliko blong protectem maot mo nose blong yu oltaem.
- Muv aot long eria ia kwik time sapos yu kat sotwin or problem blong pulum win
- Mekem sua se yu kat wan radio blong save kasem infomesen about aktiviti blong volkeno long eria blong yu.



Wanem blong mekem **LONG TAEM WE** volkeno istap sakem aot rabiskas:

- Yu no mas stap long ol eria we ol otoriti oli taem se se hemi tabu blong ko long hem.
- Lisen long radio evri taem
- Mekem sua se ol pikinini, ol man oli gat sotwin mo ol mama we oli gat bel oli stap insaed oltaem.
- Werem wan gas mask or wan or kaliko blong blokem maot mo nos blong yu.taem yu stap aotsaed.

Wanem blong mekem **AFTA** we volkeno isakem aot rabis kas:

- Muv aot long ples we wind ikarem rabis kas mo pas long hem
- Expek blong kasem konkon ren afta long wan taem we volkeno i saken plante kas
- Werem klos o kaliko we i blokem body mo hed blong yu oltaem
- Mekem sua se ol pikinini, ol man we oli sotwin mo ol mama we oli kat bel, oli stap insaed oltaem mo stap longwe long gas blong volkeno.

